



**ODBOJKAŠKI SAVEZ
FEDERACIJE BOSNE I HERCEGOVINE**

**PROPOZICIJE
takmičenja u mlađim kategorijama**

Tuzla, 12.06. 2024.

Na osnovu člana 50. Statuta OS FBiH, Upravni odbor OS FBiH na sjednici održanoj 12.06.2024. godine donio je,

PROPOZICIJE

takmičenja u mlađim kategorijama

Član 1.

Odbojkaška takmičenja u mlađim kategorijama su Prvenstva OS FBiH u konkurenciji dječaka/djevojčica, kadeta/kadetkinja i juniora/juniorki. Takmičiti se mogu samo klubovi članovi OS FBiH koji su uredno platili članarinu i izvršili sve ostale finansijske obaveze prema OS FBiH. Nemogu se takmičiti Klubovi sa mlađim kategorijama koji su istupili iz takmičenja sa seniorskom ekipom zbog finansijskog duga prema Savezu sve dotle dok u potpunosti ne izvrše sve svoje finansijske obaveze.

Član 2.

Takmičenje u mlađim kategorijama je takmičenje predviđeno za sve klubove i organizacije učlanjene u OS FBiH koji ispunjavaju uslove iz čl.1 ovih Propozicija.

U ovom takmičenju mogu da učestvuju ekipe starosne dobi utvrđene Pravilnikom o takmičenju OS FBiH, odnosno odlukom OSF BiH.

Član 3.

Takmičenje u mlađim kategorijama se provodi u dva dijela koja organizuje i provodi Takmičarska komisija OS FBiH i Direktor takmičenja OS FBiH.

Prvi dio takmičenja organizovat će se na osnovu prijave ekipa za takmičenje u mlađim kategorijama. Klubovi su dužni izvršiti prijave ekipa Takmičerskoj komisiji OS FBiH, a preko kancelarije OS FBiH, do roka naznačenog u Javnom pozivu za prijavu ekipa za takmičenje u mlađim kategorijama a u skladu sa Kalendarom takmičenja za tekuću godinu.

Nakon prikupljenih prijava ekipa za sve kategorije Takmičarska komisija OS FBiH će, vodeći računa o ravnopravnosti ekipa u takmičenju, podijeliti ekipe u grupe tako da će u drugi dio takmičenja (finalne turnire) plasman izboriti po četiri ekipe za svaku od kategorija u eventualnim uslovima ako ima više grupa onda će na finalnom turniru učestvovati maksimalno pet ekipa o čemu će Odluku donijeti Takmičarska komisija.

U Odluci Takmičarske komisije OS FBiH o podjeli ekipa po grupama u prvom dijelu, mora biti jasno naznačen sistem takmičenja, način bodovanja i druge odredbe bitne za nesmetano odvijanje takmičenja u prvom dijelu.

Član 4.

Prvi dio takmičenja je obavezan za sve ekipe koje žele učestvovati u drugom dijelu takmičenja (finalni turniri). Ekipe koje ne učestvuju u prvom dijelu ne mogu učestvovati na finalnim turnirima. Ekipe koje učestvuju u prvom dijelu takmičenja moraju imati uredno ovjerene takmičarske i trenerske registracije u OS FBiH. Prvi krug takmičenja igra se u dva dobijena seta. Takmičarski brojevi biće izvučeni u kancelariji saveza

a Direktor takmičenja objaviće raspored utakmica po „Bergeru“ na zvaničnoj stranici i igraće se po tom rasporedu.

Član 5.

Takmičenje prvog i drugog dijela u mlađim kategorijama počinje prema utvrđenom Kalendaru takmičenja OS FBiH.

Član 6.

U drugom dijelu takmičenja za svaku od kategorija organizuju se finalni turniri koji traju po 2 dana. Na finalnim turnirima učestvuju 4 ekipe (samo u izuzetnim uslovima može učestvovati drugi broj ekipa, zašto mora Odluku donijeti UO OSFBiH i igra se po jednokružnom bod sistemu sa rasporedom po "Bergeru" u tri dobijena seta.

Ekipe koje osvoje prva dva mjesta na završnim finalnim turnirima u OSFBiH izborile su pravo učešća na završnom turniru u OSBiH, u kategoriji u kojoj su postigli taj rezultat. Na završnom turniru u OSBiH primjenjuju se važeća akta OSBiH.

Član 7

Organizator finalnih turnira u mlađim kategorijama je Odbojkaški savez FBiH koji povjerava tehničku organizaciju klubu, sportskom centru, sportskoj organizaciji i dr. na osnovu procjene opšteg interesa za razvoj i propagandu odbojke i uslova datih u ponudi na osnovu raspisanog Konkursa.

Odluku o povjeravanju tehničke organizacije finalnog turnira u mlađim kategorijama donosi Takmičarska komisija OS FBiH. Ukoliko se neko prijavi za organizaciju turnira u bilo kojoj fazi i dobije organizaciju pa odustane iz bilo kojih razloga biće kažnjen sa 2000 KM +PDV. Rješenje donosi Direktor takmičenja.

Član 8.

Pravo nastupa na utakmicama mlađih kategorija u prvom i drugom dijelu takmičenja imaju samo pravilno registrovani igrači i igračice u OS FBiH. Također, učešće mogu uzeti samo oni klubovi koji su uredno izmirili finansijske obaveze prema OS FBiH.

Kotizacija za Klubove članove OSFBiH koji se ne takmiče sa seniorskom ekipom u ligaškom takmičenju ili su Klubovi sa prvim timom u međuvremenu istupili iz takmičenja iz bilo kojih razloga iznosi **1000,00 KM+pdv**, po prijavljenim selekcijama, i isti moraju izvršiti sve finansijske obaveze prema savezu prije preuzimanja legitimacija igrača-ca ili početka takmičenja. Klubovi u mlađim kategorijama na Klupi moraju imati licenciranog trenera za tu sezonu u suprotnom Klub nemože nastupiti i igrati utakmice. Minimalan broj igrača-ca na utakmicama mlađih kategorija je 10. Trener u mlađim kategorijama može sjediti na Klupi ako ima licencu za tu sezonu i tu kategoriju. Napr: Na Klupi nemože sjediti i voditi žensku ekipu trener koji je licenciran za mušku ekipu i obrnuto.

Član 9.

Utakmice drugog dijela igraju se u dvoranama koje odgovaraju propisima iz Međunarodnih pravila igre i Pravilnika o takmičenju OS FBiH.

Član 10.

Utakmice završnog dijela takmičenja igraju se samo loptama određenim Propozicijama takmičenja OS FBiH.

Član 11.

Starosna dob koja nastupa za kategorije utvrđuje se svake godine prije početka takmičenja, a na osnovu odluka CEV-a, BVA-a i OS BiH.

Član 12.

Visina odbojkaške mreže na takmičenjima mlađih kategorija je:

- juniori i kadeti - 243 cm,
- pioniri -230 cm
- juniorke i kadetkinje - 224 cm,
- pionirke -215 cm.

Član 13.

Pravo nastupa na utakmicama mlađih kategorija imaju samo registrovani odbojkaši-ce u skladu sa aktima saveza, propisanom takmičarskom legitimacijom nadležnog regionalnog saveza i važećim ljekarskim pregledom.

U takmičenjima mlađih kategorija u takmičarskoj 2023/24 . sezoni pravo nastupa imaju odbojkaši-ice sledećih godišta i to:

- Pionirke 2009 i mlađe
- Pioniri 2008 i mlađi
- Kadetkinje 2007 i mlađe
- Kadeti 2006 i mlađi
- Juniorke 2005 i mlađe
- Juniori 2004 i mlađi.

Član 14.

Za takmičenja mlađih kategorija službena lica (delegat-kontrolor, prvi i drugi sudija) određuje nadležni organ OS FBiH, a ostale sudije nadležni organ po mjestu odigravanja. Na Finalnim turnirima sude i linijski sudci.

Član 15.

Naknade putnih troškova, dnevnica i taksa za službena lica propisane su Odlukom o nadoknadi službenim licima.

Član 16.

Žalbe na odigrane utakmice podnose se delegatu, a razmatra ih i odlučuje Takmičarska komisija turnira koju čine delegat turnira , jedan zvanični predstavnik domaćina i jedan predstavnik gostujućih Klubova učesnika turnira i imenuju se prije početka takmičenja. Podnesena žalba se plaća 300 KM +PDV , Delegatu na licu mjesta . Ako se pozitivno riješi žalba za podnosioca uplaćena sredstva se vraćaju podnosiocu.

Odluke po ovim žalbama moraju se donijeti najkasnije do početka narednog kola turnira. Odluka se donosi većinom glasova, a članovi komisije se pri glasanju moraju izjasniti "za" ili "protiv".

Član 17.

Žalbe na prvostepeno rješenje u prvom i drugom dijelu takmičenja podnose se Direktor takmičenja OS FBiH. uz priloženi dokaz o uplati takse za žalbu u iznosu od 400 KM + PDV. Procedura za rješavanje žalbe pokreće se onoga momenta kada uplaćena sredstva za taksu budu operativna na računu OS FBiH.

Neblagovremeno, nepotpune, ne taksirane ili nedovoljno taksirane žalbe neće se uzimati u razmatranje i odbacit će se iz formalnih razloga.

Drugostepeno rješenje je konačno.

Član 18.

Za takmičenja u mlađim kategorijama:

- tehnički organizator snosi troškove dvorane i kompletne organizacije turnira (ljekarska služba, redarske službe i materijal za rad delegata i izdavanje Biltena) i sve troškove službenih lica (putni troškovi, takse i troškovi pansiona za sudije i delegate, kao i takse za zapisničara i linijske sudije),

- troškovi pansionskih usluga gostujuće ekipe snose svaka za sebe,

- svaka ekipa sama snosi troškove puta,

- finansijski obračun troškova vrši prije odigravanja prvog kola turnira u prisustvu delegata.

Uslove organizacije turnira, kao i tehničkog organizatora, određuje nadležni organ OS FBiH na osnovu raspisanog konkursa.

Ako ni jedna od ponuda ne zadovolji uslove za dodjelu tehničke organizacije iz stava 1. ovog člana, razmotrit će se najpovoljnija pristigla ponuda.

Ako se na konkurs ne prijavi ni jedna zainteresovana strana, organizaciju turnira preuzima OS FBiH, a troškove organizacije turnira snose svi klubovi učesnici podjednako.

Član 19.

Organizatori turnira drugog dijela takmičenja obavezni su da izvrše rezervacije smještaja i ishrane za sve ekipe učesnice turnira pod uslovima datim u ponudi.

Gostujuće ekipe dužne su da najkasnije 5 dana uoči održavanja turnira potvrde rezervaciju smještaja po ponudi organizatora sa naznačenim vremenom dolaska i brojem osoba.

Član 20.

Za neučestvovanje ili odustajanje od takmičenja u prvom dijelu takmičenja, ekipe koja je izvršila prijavu kaznit će se mandatnom kaznom u iznosu od 1000,00KM +PDV, a kaznu izriče Direktor takmičenja OS FBiH. Za neučestvovanje na završnom Federalnom prvenstvu ekipe koja je stekla pravo, također će se kazniti mandatnom kaznom u iznosu od 1500,00KM + PDV, te se protiv iste pokreće disciplinski postupak.

Član 21.

Pobjednik takmičenja stiče naziv Pobjednik Prvenstva FBiH za dječake-djevojčice, kadete-kinje i juniore-ke za tu godinu , osvaja pehar Odbojkaškog saveza FBiH u svojoj kategoriji, kao i medalje.

Također, za osvojeno drugo i treće mjesto ekipe dobijaju pehar i medalje na završnom turniru u OS FBiH, što je dar Saveza. Obaveza svih ekipa je da ostane do kraja turnira i da prisustvuju dodjeli pehara i medalja. Ukoliko neka od ekipa ne

prisustvuje dodjeli nagrada biće kažnjena sa 1000 KM +PDV i zabrana nastupa u toj kategoriji sledeće sezone. Rješenje donosi Direktor takmičenja.

Član 22.

Takmičenje u ligi kadeti-kinje koju vodi OSFBiH a sprovode regionalni komesari igra se u 3 dobijena seta a primjenjuju se sva akta OSFBiH. Kalendar Takmičenja za sezonu 24/25 biće naknadno objavljen u skladu sa prijavljenim ekipama po regijama.

Ekipe koje nastupaju u ligi Kadeti-nje, načelno nemogu igrati utakmice istog dana kada njihov matični Klub nastupaju sa seniorskim ekipama. Izuzetno od ovog pravila dozvoljava se nastup ekipama istog dana kada nastupa i seniorska ekipa matičnog Kluba pod sledećim uslovima:

- da obje ekipe imaju licencirane trenere i vode odvojeno ekipe,
- da igrači-ce koji nastupaju u ligi Kadeti-nje nemogu nastupati za seniorsku ekipu tog dana,

- da gostujuća ekipa najkasnije 2 dana prije početka narednog kola dostavi pismenu saglasnost domaćoj ekipi i Regionalnom komesaru o prihvatanju odigravanja utakmice po uslovima propisanim u ovom članu. Utakmice se igraju od srijede do nedjelje i nemogu se odgađati u drugom terminu. Ukoliko se neodigra utakmica u zakazanom terminu Takmičarska komisija će registrovati utakmicu službenim rezultatom a ekipa koja izgubi službenim rezultatom biće finansijski kažnjena sa 1.000 KM +PDV. Od sezone 2023/24 uvodi se obaveza delegata.

UO OSFBiH će naknadno donijeti Odluku o grupama u prvom krugu i koliko će Klubova iz regije učestvovati na završnici Federacije, a to zavisi od broja Klubova koji se prijave po regijama.

Član 23.

Takmičenje u kadetskoj ligi organizuje se po dvokružnom bod sistemu, podijeljeno na A1 i A2 grupu.

A1 broji 6 ekipa a A2 broji 10 ekipa. Dvije Prvoplasirane ekipe iz A1 i Tri Prvoplasirane iz A2 -plasiraće se na polufinalni turnir za Kadetkinje. Ekipe koje igraju turnire –Regionalno takmičenje u grupama A1,A2 i A3 –na polufinalni turnir plasiraće se Prvoplasirane ekipe. Tada dobijamo 8 ekipa koje će biti podjeljene u dvije grupe i po dvije prvoplasirane ekipe idu na završni turnir FBiH. Polufinalni i Finalni turniri za kadetkinje igraju se u 3(tri) dobijena seta i turniri će trajati po 2(dva) dana.

Ovaj član će se korigovati po prijavi ekipa.

Član 24.

Za sve što nije predviđeno ovim Propozicijama takmičenja u mlađim kategorijama, važe odredbe Pravilnika o takmičenju OS FBiH.

Član 25.

Upravni odbor OS FBiH daje tumačenja odredaba ovih Propozicija.

Član 26.

Propozicije stupaju na snagu danom donošenja.

Stupanjem na snagu ovih Propozicija stavlja se van snage Propozicije broj: 1971-06/23 od 21.06.2023. godine.

Broj: 2069-06/24

Tuzla, 12.06.2024. god.

P R E D S J E D N I K

Dr.sci. Miloš Jelčić